

ՕՐԻԱՅՐ ՔՈՉԱՐՏԱՆ, Հայ ժողովրդի բնատաճի բնամաքաբան իրադարձության ներքին, սկսյալ Բեռլինի Վեհաժողովից (1878)՝ մի փառաբանական-աշխարհագրական վերլուծության և փաստագրության, Dietrich Reimer հրատարակչության, 1989 (աշխարհագրության ինստիտուտի մատենաշար, Բեռլինի Ազատ համալսարան), 317 էջ, 9 ֆառեպ:

Մենագրությունը բաղկացած է երկու գլխավոր բաժիններից: Առաջինում թուարյանը նկարագրում է հայոց վիճակը իր նախնիների բնատարածքում՝ Հայկական լեռնաշխարհում: Ուսումնասիրության առանցքը, սակայն, Արևմտյան Հայաստանն է: Հայոց պատմությունը ուրվագծված է սկսյալ հայերի ցեղասերումից մինչև 1514-ը՝ Արևմտյան Հայաստանի գրավումը թուրք-օսմանների կողմից: Հաջորդում է մի գլուխ, արևմտահայերի կացության առնչությամբ, մինչև ռուս-թուրքական պատերազմը՝ 1877—1878-ը, որտեղ հեղինակը խոսում է նրանց իրավական և ընկերական (սոցիալական) դիրքի մասին, որպես քրիստոնյա ժողովրդի (կրոնական համայնք) օսմանյան սուլթանատում: Այնուհետև հեղինակը հանգամանորեն շարադրում է անցյալ դարու առաջին կեսի բարեփոխումների պատճառները օսմանյան ներքին քաղաքականության մեջ: Հարկավ ալդ բարեփոխումները մնացին միայն թղթի վրա, քանզի մասամբ թնկադրված էին Եվրոպայի կողմից ժամանակի սուլթաններին: Բարեփոխումները, հատկապես գաղափարաբանության համար, որն էլ էական արժեք չներկայացրին: Սակայն նրանք գրգռեցին, ինչպես հեղինակն է պարզաբանում, թուրքական հետադիմական հակադեմոկրատներ և աշխուժացրին ճնշողական ուժերը, որոնք 1860-ից սկսյալ հարաճուն ազդեցություն ունեցան ազգությունների նկատմամբ կիրառվող քաղաքականությունում: Այս կապակցությամբ Ժ. թուարյանը հանգամանորեն քննում է մուսուլման ցեղախմբերի բնակեցումը 1860-ից մինչև 1880-ական թվականները Արևմտյան Հայաստանում, որով նկատառված էր հայ ազգաբնակչության նոսրացումը իրագործել (ինչ որ գործնականում էլ եղավ), ինչպես նաև նահանգների բռնազրոսիկ սահմանների փոփոխումը այն տարածքներում, որտեղ հայերը մեծամասնություն էին կազմում:

Ռուս-թուրքական պատերազմը (1877—1878) և Բեռլինի վեհաժողովում (1878) Հայկական հարցի ոչ հետևողական կարգավորումը ելակետ հանդիսացան հետագիմ սուլթան Աբդուլ Համիդ Բ-ին, ինչպես նաև երիտթուրքերին և նրանց հետևող քննալականությանը, բնաշնչման քաղաքականությանը: Արդեն ռուս-թուրքական պատերազմի սկզբին, ըստ ժամանակակից անգլիացի պատերազմական թղթակից Նորմանի և այլ աղբյուրների վկայության, անկախ քրդական միավորումները թուրքական բանակի հրամանատարության համաձայնությամբ կոտորում էին հայ խաղաղ բնակչությանը:

Եվրոպական դիվանագիտության հակասությունները արևելյան և հատկապես թուրքական քաղաքականության խնդրում ըստ ամենայնի շարաշահվում է սուլթան Աբդուլ Համիդ Բ-ի կողմից: Օսմանա-Եվրոպական վեճը ժայկական բարենորոգումների յ իրագործման կապակցությամբ ապարդյուն ձգձգվեց մինչև 1914-ը, մինչդեռ նույն ժամանակաշրջանում սուլթանը և իր հետևողները չհապաղեցին երկրով մեկ կոտորածներ կազմակերպել և վերջապես անմարդկային պայմաններում տեղահանեցին վերապրող հայերին իրենց հայրենիքից և իրականացրին նրանց բնաշնչումը: Այս դարգացման առանձին հանգրվանները՝ 1894—1896-ի կոտորածները և 1909-ի շարդերը, հեղինակը ներկայացրել է մանրամասն՝ ալքի առաջ ունենալով ամենաէական աղբյուրները: Նույն ընդարձակությամբ է վերլուծում հեղինակը կրիկիահայոց երկյակ բռնադադթն ու կոտորածները 1920—1921 թթ., Արևմտահայաստանի վերագրավման ընթացքը՝ 1917 և 1920 թթ., թուրքերի ներխուժումը Արևելահայաստան՝ 1917-ին և 1920-ին և սրանց հետ զուգահեռ կատարված շարդերն ու ոճրագործությունները, Բաքվի 1918-ի սեպտեմբերյան հայոց շարդերը և նաև Ալեքսանդրեթի սանչակի հայերի տեղահանությունները:

Այս հիմնապատասաում 1915—1917-ի ցեղասպանությունը, արդարև, ներկայանում է ոչ որպես թուրքական պատմության մեջ մի ռալթաբաում, այլ որպես սարսափելի, բայց տրամաբանական դադաթնակետը մի կենդարյա քաղաքականության, որի նպատակն էր հայոց լիովին բնաշնչումն ու տեղահանում-արտաքսումը իրենց հայրենիքից: Քաղաքարապատվականորեն,

դանգվածային բնաշնչման թրթռական որոշումը, որպես վերջին և կտրուկ միջոց ազգային քաղաքականության մեջ, ժ. Քոչարյանը համարում է թրթռական ազգայնականության զարգացման յուրահատկությունը, նախ, թրթռական ազգայնականությունը «ուղացած ըմբռնում» էր՝ բաղդատած թուրքերի կողմից նվաճված ժողովուրդների հետ (հույներ, սերբեր, հայեր, արաբներ)։ Երկրորդ, թրթռական ազգայնականությունը պիտի հաշվի առներ, որ օսմանյան հասարակության մեջ թուրքերը փոքրամասնություն էին կազմում։ Օսմանյան սուլթանության կենտրոնախույս ուժերի վերացումը, թրթռական ազգայնականության կարծիքով, կարելի էր գլուխ բերել միայն բռնի ձևով, տեղահանությամբ կամ բնաշնչումով։

Ժ. Քոչարյանը իր ուսումնասիրության վերջին՝ «Ամփոփում և եզրահանգում» բաժնում անում է 1925-ին հրատարակված հորեյանական ժողովածուից մի մեջբերում, որտեղ թուրքիան հանգանգով փաստորեն որպես համաշխարհային պատերազմում հաղթանակած կողմ է հայտարարվում, հակառակ իր՝ 1918-ի հոկտեմբերին անձնատուր լինելուն։

«Թուրքիան... սկզբից ևեթ անհասկանալի նպատակ չի ունեցել, շարունակ ու աներկրա իր նպատակը շեշտել է պատերազմում, որում նա հնարավորություն պիտի ունենար փրկվել հայկական վտանգից։ Քանի որ Թուրքիան այս խնդրում սկզբից ևեթ անխնա և վճռական էր, ուրեմն միակը եղավ կենտրոնական տերությունների մեջ, որը շահեց պատերազմը, իր բուն նպատակին հասնելով»։

Արևմտահայաստանի վերաբերյալ գլուխը ավարտվում է «Հայ փոքրամասնության կացությունը թրթռական հանրապետությունում» ակնարկով, սկսյալ Մուստաֆա Քեմալից մինչև մեծ օրերը և ցուցակագրումը բոլոր այն ճնշումների, որին ենթակա է ներկայիս հայ համայնքը Թուրքիայում։

Արևմտահայաստանից հետո քննվում է Արևելահայաստանի կացությունը՝ Ռուսաստանին կցվելուց (1828) ի վեր։ Այս իրադարձությունը, ի միջի ալլոց, կայունացրեց ցեղազրկան արաբերությունը Արևելահայաստանում։ Երբ ընդհակառակը, Արևմտահայաստանում թրթռական ազգայնականների քաղաքականությունը հանգեցնում էր հայոց քանական հարաճուն նվազման ի ի վերջո՝ բնաշնչման՝ Ռուսաստանին կցվելուց հետո ուժեղանում էր հայոց ազգային տարրը Արևելյան Հայաստանում։ Տասնյակ հազարավոր փախստականներ և գաղթականներ Արևմտահայաստանից և Պարսկաստանից, սկսյալ 1828-ից, եկան և հաստատվեցին Երևանի նահանգում։

Ժ. Քոչարյանը վերլուծում է արժեքավորում է այն կարևոր քաղաքական և մշակութային մղումները, որ Արևելահայաստանը ստանում էր Ռուսաստանից և կամ նրա հեղափոխական մտավորականությունից, պատշաճ տեղ հատկացնում 1880-ական թվականներին ցարիզմի ազգային հետադիմական գործելակերպին՝ մշակութանկեղծական, քաղաքական բնագավառում, Հայաստանի խորհրդայնացումն ընդգրկող շրջանում հատկապես ուսումնասիրվում են երկու տեսակետներ. ա) ներքին քաղաքականության հոլովույթը 1921-ից մինչև 1945-ը, բ) խորհրդոս-թրքական հարաբերությունը և նրա ազդեցությունը Հայաստանի վրա։ Հեղինակի հատուկ ուշադրության են արժանանում հայկական այն բնատարածքները, որոնք գտնվում են ներկայիս Հայաստանի Հանրապետության սահմաններից դուրս՝ Արցախը, Նախիջևանը, Ախալցխալը և Ախալցխան, Բավականին հանգամանորեն շարադրվում են Արցախի պատմությունը, խոր հակասությունները Հայաստանի և Ադրբեջանի միջև։ Այստեղ հետազոտության ծանրության կշիռը կազմում են 1988-ի իրադարձությունները (Արցախյան շարժման սկիզբը, հայերի կոտորածը Սումգայիթում և այլուր)։

Մենագրության երկրորդ մասը նվիրված է սփյուռքահայությանը։ Բացառությամբ ներառականի, որը սփյուռքի ստեղծման և նրա հոլովույթի պատմությունն է, այս մասում հեղինակը կիրառել է հետազոտության վերլուծական և սոցիոլոգիական եղանակը։ Հեղինակի նպատակն է եղել շուրս մեծ գաղութների օրինակով պարզաբանել նրանց կառուցվածքն ու խնդիրները։ Որպես օրինակ նա ընտրել է այն շուրս երկրների համայնքները, որոնցում շուրջ երեք միլիոն սփյուռքահայեր են ապրում՝ Լիբանանը, Պարսկաստանը, Միացյալ Նահանգները և Ֆրանսիան։ Առաջին երկու երկրներից հայերի արտագաղթը զգալի դարձավ Պարսկաստանի իսլամական հեղափոխությունից հետո, ինչպես նաև լիբանանյան քաղաքական պատերազմի պատճառով։

Ժ. Քոչարյանը սփյուռքահայության այս արտագաղթը մտահոգիչ է գտնում, քանզի փորձը ցույց է տալիս, որ արտագաղթողները՝ Պարսկաստանից, Լիբանանից և այլն չեն հաստատվում այդ շրջապատածքի երկրներում, այլ փորձում են իրենց երթը շարունակել դեպի արևմտյան զարգացած երկրներ՝ նախընտրելով Միացյալ Նահանգները, որի մեկ միլիոնի հասնող հայ-

կական դադուրը ամենամեծն է սփյուռքում: Ծվրուպայի մեջ ամենակարևորը ֆրանսաճայ գաղութն է՝ շուրջ 400.000 անդամներով: Մինչդեռ հայոց շփումը Ֆրանսիայի հետ ձգվում է մինչև խաչակրաց արշավանքները ու հայկական Կիլիկիան, հայկական համայնքների զարգացումը ԱՄՆ-ում սկիզբ է առնում ոչ հեռու անցյալից, միայն երկրորդ աշխարհամարտից հետո, երբ հայերի արտագաղթը դարձավ զանգվածային երևույթ: Բնակետև մինչև օրս բացակա է տեղի գաղթօջախի մանրամասն ուսումնասիրությունը, այնուամենայնիվ, կարելի է եզրակացնել, որ ձուլման ճնշումն ու ուժացումը արևմտյան ճարտարվեստական երկրներում էականում շատ ավելի բարձր է, քան ավանդական համախմբված մերձավոր և միջին արևելյան պահպանողական բնույթի համայնքներում: Ոչ որպես համահավասար իրավունքով քաղաքացիներ, փոքրամասնությունները կարողանում են իրենց մշակույթը և ազգային յուրահատկությունները պահպանել որպես քրիստոնյաներ: Նրանք ներգրավված չեն երկրի ընկերական և քաղաքական կյանքում, կիսանանում իր հերթին մինչև 1975-ը տիրում էր մեծ ջանքերով ձեռք բերված լատինական հավասարակշռությունը փոքրամասնությունների միջև:

Մերձավոր արևելքի հետ համեմատած, արևմտյան ճարտարվեստական հասարակության մեջ դավանների հարցն ունի ավելի քան անձնական բնույթ: Առերևույթ հավասարության դիմելը, որ հայերը վճարում են, իրենց իսկ ազգային դիմագծի ազավադումն է, այն դիմագծի, որ դարեր ի վեր ձևավորել է հայոց ազգային գիտակցությունը՝ ի շնորհս եկեղեցու և լեզվի: Ամերիկյան օրինակը ամենահստակն է, ԱՄՆ-ի հայերի կյանքը հասնում հայկականության որոշված չէ, լեզվական ձուլումը, ամենաուշը ներգաղթած երրորդ սերնդում իր ավարտին է հասնում, հայերենը դառնում է, այսպես ասած, մանկական և առտնին խոսակցության լեզու, որով տանը խոսում են մանուկները մինչև դպրոց գնալը կամ էլ օգտագործվում է միայն ընտանիքի սեղմ շրջանակում (եթե այդ էլ տեղի է ունենում): Քանզի որքան վատ են տիրապետում մայրենի լեզվին, նույնքան էլ դժվար են ըմբռնում, այնպես որ, հենց սկզբից նախապատվությունը տրվում է անգլերենին: Լեզվական և մշակութային տարբերությունը ավելի շուտ խանգարել ազդակ է համահարթեցման և միատեսակության ձգտող հասարակության մեջ: Վերջում մնում է միայն օկեսպիշերային հայրենասիրական գիտակցությունը, հայկականությունը սահմանվում է միայն կրոնով (այս տեսակետից ամերիկյան հասարակությունը անսահման հարուստ է իր ազանդողականությանը), ազգային պարով, երաժշտությամբ, խոհանոցով և անդամակցությամբ կամ այցելությամբ որևէ հայկական ակումբին:

Իհարկե, Ժիրայր Քոչարյանը հիշատակում է նաև հակադիր հոսանքը: Համայն հայ սփյուռքում, մասնավորապես Ֆրանսիայում և ԱՄՆ-ում, նկատելի է հայկական ազգային վերածնունդ: Ներկայիս կարելի է ստույգ հայտնել, թե այս հետևանք է Մերձավոր արևելքից ներարկված թարմ արյան՝ գաղթի: Այս պարագայում վերածնունդը կլինի արտաքին ազդակ, որն իր վախճանը կունենա, երբ Մերձավոր արևելքից արտագաղթը իր ավարտին հասնի կամ ընդհատվի:

Այս հիմքից ելնելով, հեղինակը եզրակացնում է, որ իր երեք հազարամյա արհավիրքներով լի պատմության ընթացքում հայ ժողովուրդը այսպիսի հետևանքներով հղի իրագործության մեջ չի եղել, ինչպես վերջին 100 տարիներին: Երբեք հայ ազգը այսպես փշրված և համայն աշխարհով մեկ սփռված չի եղել: Ավելի քան երկու միլիոն հայերի բնաջնջումը՝ սկսյալ 1877-ից մինչև 1922-ը, ընթացավ Հայաստանի կողոպուտով և տնտեսական սաստիկ թշվառությամբ: Մյուս կողմից, Արևելահայաստանում հայոց ցեղազրական միատարրությունը հասավ մինչև այժմ գոյություն չունեցած (առնվազն վերջին դարերում) լավիերի, այնպես որ Հայաստանն այսօր իր 90 տոկոսից ավելի հայերով, Խորհրդային Միության հանրապետությունների մեջ ամենամիատարրն է:

Թեպետև հայկական գաղութների հնամենիությունը հասնում է մինչև ուշ միջնադար, այնուամենայնիվ, զանգվածային գաղթը հետևանքն է մեր նոր ժամանակների՝ վերն արդեն շարադրված իրադարձությունների և դրա հետ կապված՝ բուն հայրենիքից հայոց տեղահանության: Ներկայիս, դրո՞ւմ է հեղինակը, ակնատես ենք սփյուռքահայության կյանքում տեղի ունեցող ծավալուն փոփոխությունների և տեղաշարժերի, որի հետևանքով ավելի և ավելի հայեր ակա՛ւա այնպիսի երկրներում են հայտնվում, որտեղ շատ նվաղ հեռանկարներ ունեն որպես ազգային հավաքականություն վերապրելու: Այս վտանգը՝ սփյուռքահայության մարումը, կլինի ավարտը արևմտահայոց բնաջնջման: Նրանց գիտակից դարձնելը և հարատևելու կարելիություններ որոնելը Ժ. Քոչարյանը համարում է իր ուսումնասիրության բուն դրդապատճառը:

ԲԵՄՍԱ ՀՈՅՄԱՆ (Բեռլին)